

4th Year



Anesthesia & Intensive Care

مكان الدوام	رقم التواصل	الدوام وملاحظات
مستشفى الجامعة الأردنية	0798504451	<p>بأول أسبوع يكون الدوام عبارة عن محاضرات بدون دوام مستشفى، وبعض المحاضرات بجيبولكم دمي تتدربوا عليهم زي محاضرة الكانيولا، بتبدأ لمحاضرة 9 وتنتهي بأوقات مختلفة حسب الدكتور بس كأقصى حد بتضلّ لل 3 مع التدريب.</p> <p>بأول أسبوع مش مطلوب لا سكراب ولا دريس كود ولا لابكوت ولا غيره، والمعدات مش مطلوبة منكم طول الشهر.</p> <p>من ثاني أسبوع بورّعوكم 3 مجموعات: صباحي ومساءلي و discussion وكل أسبوع بتبدّلوا</p> <p>مجموعة الصباحي وال discussion بتجمّعوا 8:30 بقاعة السمينار بطابق العمليّات عشان يسجلّوا حضور وبعد هيك الصباحي بتوزّعوا على دوامهم بناءً على التوزيع الي بيعته المنسق بقروب الواتس.</p> <p>ويس يخلّصوا دوامهم بمكان العمليّات أو العيادة بسجلّوا حضور عند دكتور التخدير هناك، ممكن تقعدوا ريع ساعة وممكن ساعتين حسب مكان الدوام والدكتور.</p> <p>الدسكشن بعد ما يسجلّوا حضور بضلهم بقاعة السمينار وبيجي دكتور يناقشهم بموضوع معيّن.</p> <p>وعال 11 كل ال 3 قروبات مطلوب منهم يحضروا محاضرة التخدير بأحد المدرجات أو القاعات وتكون مدّتها ساعة تقريبًا، بعدها جماعة الصباحي والدسكشن بخلّص دوامهم بالتخدير.</p> <p>عال 12:15 جماعة المسائي بتجمّعوا بقاعة السمينار بطابق العمليّات عشان يسجلّوا حضور وبعد هيك بروحوا للمكان الي مداومين فيه حسب التوزيع، وبرضو نفس الصباحي بس يخلّص دوامهم بسجلّوا حضور عند دكتور التخدير الي معهم، وبرضو ممكن تقعدوا ريع ساعة وممكن ساعتين.</p> <p>بخصوص الدريس كود من ثاني أسبوع وما بعد بصير مطلوب منكم بدوام العمليّات تلبسوا سكراب -بقولوا لازم تلبسوه بالمستشفى بس ما عمرهم دققوا- ودوام العيادة وال ICU والدسكشن بتلبسوا رسمي مع لابكوت.</p> <p>لو بدكم تستفيدوا بأكثر قدر ممكن من الشهر حاولوا تتفاعلوا مع الدكتور الي معكم وتسألوه وتطلبوا تطبقوا عالمرضى.</p>

ملاحظات:

- بنهاية الشهر يكون عندكم ميني اوسكي كتابي على الحاسوب من ٣٠ علامة وعادةً يكون يوم الخميس
- مطلوب منكم تحضروا محاضرة الجراحة، جماعة الصباحي يحضروا بمحاضرة 2:30 والمساءلي بمحاضرة ال 3:15، والدسكشن بقسموكم عالمحاضرتين.